

## Ningefanya Nini Zaidi?

*Mwishowe akamtuma mwanawe kwao, akisema, Watamstabi mwanangu.—*  
**Mathayo 21:37.**

**J**e, hakuna nguvu inayoweza kugusa hisia zetu na kutuonesha kwamba tunakaribia ukingoni mwa ulimwengu wa milele? Je, hatuwezi kutoa mawazo yetu katika upande ule mwingine? Ni nini kifanyike ili kuwaamsha watu wetu? Kwa nini tunazungumzia haya mateso madogo namna hii. Sikia vile Paulo anavyoyazungumzia: “Maana dhiki yetu nyepesi, iliyo ya muda wa kitambo tu, yatufanyia utukufu wa milele uzidio kuwa mwingi sana” (2 Wakorintho 4:17). Je, ungedhania kwamba kupigwa kwa viboko, kuwa usiku na mchana ndani ya maji, kuteseka kwa njaa, baridi, uchi na mambo haya yote—na mbaya zaidi kutoka kwa ndugu wa uongo—yalikuwa mateso mepesi? Lakini anasema, Haya mateso madogo....

Kuna ubinafsi mwingi. Tunahitaji nafsi ife na kufichwa ndani ya Yesu Kristo, kisha hatutaongelea kukatishwa tamaa na magumu na mambo yote haya madogo, bali tutaongelea mpango mkuu wa ukombozi na nguvu isiyo kifani ya Yesu Kristo kuja katika ulimwengu wetu na kuchukua juu Yake asili ya mwanadamu ili kwamba sisi kupitia Yeye tuweze kuinuliwa na kuketi katika mkono Wake wa kuume. Ni nini kingekuwa cha kupendeza kama hicho?

Kama hili halitoshi, ni nini kine kine mbingu ingefanya kwa ajili ya jamii iliyoanguka zaidi ya kile kilichokwisha kufanywa? “Ni nini zaidi,” anasema Kristo, “Ningefanya kwa ajili ya kondoo zangu zaidi ya kile nilichofanya?” Nifanye nini zaidi? Je! Anapaswa kutuacha? Anaweza kutuacha tusipobadili mtazamo wetu dhidi ya Mungu, kwa kuwa Ameshafanya yote Aliyoweza ili kutuokoa. Tunawajibika mbele za Mungu kulingana na nuru ile tuliyoipokea. Enendeni nuruni kama Yeye alivyo katika nuru....

Kuwaza uovu na kuongea ubaya vitatupiliwa mbali. Mtaongea na hatutakuwa tunajifikiria wenyewe na yale ambayo wengine wanayafanya, bali yale ambayo Mungu na Bwana Yesu wanafanya.... Je! Wanafanya nini? Wanalisafisha hekalu.... Tunapaswa kuwa pamoja Naye katika kazi hii na kusafishwa hekalu la nafsi zetu na udhalimu wote, ili majina yetu yaweze kuandikwa katika kitabu cha uzima cha Mwana-Kondoo, ili kwamba dhambi zetu zifutwe utakapokuja wakati wa kuburudishwa kutoka kwa uwepo wa Bwana. Ni kazi ya muhimu sana kupata kutolewa kwa wanadamu.

Hauna muda wa kuitukuza nafsi, bali tu kumwinua Yesu juu. Oh, muinua Yesu juu! Tunawezaje kufanya hivi? Tunawezaje [kuwa] tunatafuta wakati wote kujiokoa wenyewe, na kujitukuza wenyewe? ... Anasema mchungaji wa kondoo, “Anamaanisha nani—wachungaji? Hapana. Kila aliyelitaja jina la Kristo, ambaye ameonja na kujua ya kuwa Bwana ni mwema....

Mungu ataweka uweza Wake juu yako, na kuunganisha juhudi za Mungu pamoja na juhudi zetu za kibinadamu, na tutautimiza wokovu wetu kwa hofu na kutetemeka. Hiyo ndiyo nguvu ambayo Shetani hawezi kuizuia wala kuishinda (**Manuscript 26, 1888**).